

**PËRGËNJESHTIM**  
**I DEKLARATËS TË GËNJESHTËRT MANIPULUESE PUBLIKE TË ARKADIOQEZËS**  
**TIRANË-DURRËS DHE BASHKËSISË SË ETËRVE JEZUITË**

Arkadioqeza e Kishës Katolike Tiranë-Durrës ka shpërndarë sot një deklaratë të paprecendentë për mediat, e cila është keqinformuese dhe është hartuar me qëllim manipulimin e opinionit publik në shërbim të një afere korruptive dhe kriminale të individëve të caktur brenda Kishës.

Që prej vitit 2012, Kisha Katolike është përfshirë në procese të gjata gjyqësore dhe hetimi në lidhje me dy prona që ajo pretendon se i janë kthyer në vitin 1996. Këto prona nuk kanë qenë kurrë në pronësi të Kishës, dhe janë blerë nga prindërit tanë dhe janë trashëguar nga ne. Këto prona janë që prej vitit 1945 e dri më sot në pronësi private dhe vazhdojnë ende të jenë në emrin tonë.

Këto prona nuk i janë kthyer kurrë Kishës Katolike, sepse ato nuk plotësonin asnjë nga kushtet ligjore për kthimin e tyre. Por që prej vitit 2012, Kisha po kërkon t'i marrë këto prona me një dokument që ajo pretendon se është lëshuar në vitin 1996, por që në fakt është i fallsifikuar pasi nuk është lëshuar fare.

Faktet e thjeshta të ngjarjes janë renditur më poshtë dhe ne jemi të gatshëm të ofrojmë të gjitha dokumentat dhe provat e tjera në mbështetje të këtyre fakteve.

Në vitin 1996, me Vendimin Nr. 567, date 22.05.1996, Komisioni i Kthimit dhe Kompensimit te Pronave ish-Pronareve i Rajonit Nr. 2 Qyteti Tirane i ka kthyer Famullisë së Kishës Katolike në Rrugën e Kavajës godinën aktuale të Kishës dhe një ndërtesë dykatëshe në krah të saj, të cilën Kisha e ka shembur para pak vitesh.

Në tetor 1996, Kisha Katolike e ka ekzekutuar këtë vendim dhe ka marrë në dorëzim godinën e Kishës në Rrugën e Kavajës dhe godinën dy katëshe në krah të saj, në të cilin banonin në atë kohë qytetarë me qira që i paguanin qira shtetit.

Në momentin e marrjes në dorëzim, në tetor 1996, Kisha depozitoi kopjen origjinale të vendimit të mësipërm në arkivën e Bashkisë Tiranë. Këtë vendim Kisha ka vazhduar ta përdorë në një sërë procesesh gjyqësore kundër banorëve që nuk i paguanin qiranë dhe në disa gjyqe të tjera që ajo ka pasur, duke e depozituar atë zyrtarisht në gjykatat e Tiranës.

Befas, në vitin 2012, Kisha nxjerr një vendim tjetër, me të njejtin numër, me të njejtën datë, po të Komisionit të Kthimit dhe Kompensimit të Pronave në Tiranë, pra një tjetër Vendim Nr. 567, date 22.05.1996, i Komisioni i Kthimit dhe Kompensimit te Pronave ish-Pronareve i Rajonit Nr. 2 Qyteti Tirane, i cili është identik në hyrje dhe mbyllje me vendimin e përmendur më sipër, por që në përbajtje flet për tre prona të tjera, shtëpitë tonë që ndohen prapa godinës së Kishës.

Me këtë vendim të pretenduar të vitit 1996, 16 vjet më pas, pra në vitin 2012, Kisha Katolike ka kërkuar në gjykatë që të marrë shtëpitë, të cilat kanë qenë dhe vazhdojnë të jenë në pronësinë time dhe të qytetarëve të tjérë.

Ky dokument është i fallsifikuar. Jo vetëm sepse nuk mund të ketë dy vendime me të njëjtën datë, me të njejtin numër, nga i njejti institucion por me përbajtje të ndryshme—në këto raste automatikisht një vendim duhet të shpallet i pavlefshëm—por edhe sepse ky dokument është provuar që është i fallsifikuar.

Pasi gjykatat e Tiranës nuk pranuan të shqyrtojnë vërtetësinë e vendimeve dhe shpalljen e vendimit të dytë të pavlefshëm, ne paditëm në prokurori fallsifikimin e vendimit që paraqet Kisha. Pas gati tre vjet hetimesh, dhe pasi u bë ekspertiza mekanike-grafike nga Laboratori i Policisë Shkencore, e cila ka detauar të gjitha ndërhyrjet fallsifikuese në dokumentin e vendimit, Prokuroria Tiranë e dërgoi dosjen në gjykatën e Tiranës për ta shpallur dokumentin të fallsifikuar, por pa marrë të pandehur pasi vepra e fallsifikimit është e parashkruar pas 10 vitesh (kjo ndoshta është arësyja që individët e Kishës nuk e përdorën dokumentin për 16 vjet pas datës së pretenduar të marrjes së tij).

Por Gjykata e Tiranës, nën trysninë direkte të Kishës e ktheu dosjen në prokurori për ta plotësuar me një tjeter akt ekspertizë me komision.

Gjithashtu, nën trysninë e Kishës dhe ndërhyrjen e saj direkte te Prokurorja e Përgjithshme Arta Marku, katolike dhe e afërt me persona të lidhur me Kishën, u ndërrua edhe prokurori i çsështjes. Akti i riekspertimit me një komision prej tre ekspertësh nga Laboratori i Policisë Shkencore, i kërkuar nga Gjykata, rikonfirmoi në detaje të gjitha fallsifikimet e kryera në dokument.

Tani, gjetur para këtij fakti të pakundërshtueshëm hetimor, Kisha Katolike ka vendosur të përdorë pushtetin e saj dhe emrin e Zotit për t'i bërë presion prokurorisë dhe shtetit që të mbrojnë fallsifikimin e saj.

Deklarata e sotme e Kishës Katolike, e bërë në shpërdorim të plotë të autoritetit të saj, në shkelje të plotë të drejtës së pronësisë së familjeve tona, në shkelje të plotë të parimeve të procesit të drejtë, e cila bën thirrje për shkeljen e çdo procesi hetimor dhe cdo të drejtë të nejrëzve të prekur nga akte kriminale, është shumë shqetësuese dhe krejtësisht e papranueshme.

Akoma më i rëndë është fakti, se pas përpjekjeve të Kishës për të manipuluar drejtësinë fshihen interesa korruptive, për të ndërtuar në bashkëpunim me bzinesmenë të dyshimtë, një ndërtesë të lartë në truallin e banesave tona. Për këtë qëllim, Kisha Katolike ka ndërhyrë pranë bashkisë Tiranë për të bërë një plan të zhvillimit vendor për të ndërtuar në truallin tonë, edhe spe toka dhe ndërtesat janë në ptonësinë tonë dhe jo të Kishës.

Qëndrimi skandaloz i Kishës Katolike vjen pasi, Dhimitër Muslia, avokati dhe kryetar i Bordit të Administrimit të Kishës së Rrugës së Kavajës, i cili është gjithashtu Kryetar i Partisë Kristian Demokrate, të drejtuar më parë nga Mark Frroku, ka tentuar të bëjë pazare me ne për t'ia dhënë tokën Kishës, dhe pas refuzimit tonë ka bërë edhe shantazhe ndaj nesh.

Ne i bëjmë thirje drejtuesve të Kishës Katolike, të cilët besojmë se janë të keqinformuar dhe të përdorur nga disa njerëz të korruptuar brenda Kishës, që të distanchohen nga veprime korruptive dhe lidhjet e dyshimta, të heqin dorë nga trysnitë publike dhe të përqafojnë të drejtat që ju jep ligji dhe rrugën ligjore.

Te drejtat e individëve që kanë blerë dhe gëzojnë pronën prej 70 vjtesh, dhe që tani Kisha po kërkon t'i nxjerrë në rrugë, me akte të fallsifikuara janë të patjetërsueshme.

Abuzimi me robën e Zotit dhe me besimin e njerëzve tek Zoti është mëkat, sikurse është vjedhja.